

է, որ նա ուսներէն չի հասկանում, ուստի եւ ստորագրել չի կարող:

Միլիցիականը տաքանում է, պոռում, կանչում:

Միջամտում ենք: Աւելի շուտ միջամտում եմ ես: Մարդար աղան վանեցի է, ուստի պարտաւոր չէ ուսներէն իմանալու: Վերջապէս, օրէնքը կայ եւ հիմնարկութիւններն հայացման սկզբունքը պէտք է ներմուծուի:

— Պէտք է խօսել եւ գրել բանուորա-գիւղացիութեան լեզուն, հասկանո՞ւմ էք, ընկեր միլիցիական:

— Հալա սպասիր... հալա սպասիր...

Ու ընկեր միլիցիականը զայրացած դուրս է նետում եւ դուռը աղմուկով ծածկում:

Մարդար աղան փրկիսափայտում է: «Ոսկիներս առին, խալիներս կերան, այժմ ալ ամէն օր տուգանք տուգանքի ետեւէն: Ա՛ն ալ ուսներէն: Աղբար, խիղճ չունին»:

Երեկոյեան, երբ ուշ վերադառնում եմ տուն, Սաթօն յայտարարում է. «Երկու միլիցիականներ եկան, մինչեւ ժամը իննը սպասեցին, նաչալիիդ քեզ պահանջում ա... Սասցին վաղը առաւօտ անպատճառ գնաս»:

— Տես, դրօշակը ետ առնես, հրաշալի կտաւ է, տղոց համար զգեստ կարելի է կարել:

Այդքան էլ անզիտակցութիւն...

Պարզ է, որ այլեւս ինձ հանգիստ չպիտի թողնեն: Միլիցիապետը, առանց վերին հրամանի չպիտի համարձակուէր ինձ դէմ որեւէ քայլ առնել: Պարզ է:

Իսկ այնտեղ, վերելում, ինձանից ի՞նչ են ուզում:

Անկողնիս մէջ սկսում եմ դէս դէն դառնալ: Գուն չունեմ: Գլխիս մէջ հազար ենթադրութիւններ են անցնում: Ընկել եմ ծուղակի մէջ: Բոլոր դռները փակ են եւ գնալ, փախչելու ոչ մի հնարաւորութիւն կայ:

Ծխում եմ, ծխում եմ...

* * *

Առաւօտեան ներկայանում եմ նաչալիին:

— Դուք հակայեղափոխական էք...

— Ձեր խօսքերը լաւ չափեցէք:

— Ինչպէ՞ս...

— Այո՛:

— Դուք ինձ վիրաւորեցի՛ք: Եկել էք այստեղ բարձր ձայնով պոռում էք... պրատա-կօ՛ւ...

— Ինչ ուզում էք գրեցէք:

— Երէկ դուք արգիլել էք միլիցիականին տուգանքի դանձումը... հակայեղափոխական ճառ էք ասել եւ այսօր էլ ինձ էք վիրաւորում: Դուք ձերբակալուած էք:

Այդ սրիկան ատրճանակը սրել է սեղանի վրայ, ձախ ձեռքով թուրը բռնել եւ քիչ է մը նում վրաս նետուի:

— Դուք ձեր գանգատը գրեցէք ինչ ձեւով որ ուզում էք, — ասում եմ հանգիստ ձայնով, — սակայն, ինձ ձերբակալելու իրաւունք չունէք, որովհետեւ պետական թերթի խմբագրութեան մէջ ինձ սպասում են, յօդուած պիտի գրեմ շատ կարեւոր մի խնդրի մասին եւ նաեւ որովհետեւ Կանադայից բանուորական պատգամաւորներ են եկել եւ ես Հայաստանում միակ մարդն եմ, որ կանադերէն իմանում եմ... Ինձ սպասում են անհամբեր, եթէ չէք հաւատում, թո՛ղ ձեր միլիցիականները մէկը ինձ հետ դայ...

— Գնացէք, պայմանով որ անմիջապէս յետոյ ներկայանաք գլխաւոր միլիցիապետին:

— Հէնց որ կանադացիներին ճամբայ դրի թէ չէ...

— Էլ սասցի:

Ի՞նչ լաւ հնարեցի այդ կանադերէնի պատմութիւնը:

* * *

Մի ժամ յետոյ:

«Սորհրդային Հայաստան»ի խմբագրատան մէջ, բարեկամ ընկեր կոմիտարը հեռաձայնի առջեւ զայրանում է.

— Սրիկանե՛ր, ո՞վ ձեզ իրաւունք տուեց պետական թերթի աշխատակիցը նեղել...

— ...

— Կարող են եւ գրպարտութիւններ լինել: Ես ձեզ, շուն շան որդիք, ցոյց կը տամ... Հարցը կը դնեմ Յեկայի առջեւ... ալօրօջի...

Մի ժամ յետոյ, միլիցիականները նորից կանգնած են դրանս առջեւ: Ինձ տանում են միլիցիապետի մօտ:

Հարցաքննում: Դէս դէն:

— Ձեր գործը գնում է Ձեկա: